

MIZORAM PRESBYTERIAN KOHHRAN
(Presbyterian Church of India)

Moderator : Rev. Dr. C. Chawngmingliana
Secretary (Sr) : Upa B. Lalhmunliana
Secretary (Jr) : Rev. P.B. Mankima

Fin. Officers : Rev. VL LuaiaHranleh
Rev. PC Pachhunga
Statistician : Upa Dr. Lalnunsiamacolney



Sr. Executive Secretary
Rev. C. Zoramawia

Executive Secretary
Rev. VL LuaiaHranleh
Rev. Dr. K. Lallawmzuala

(GENERAL DEPARTMENT)

SYNOD OFFICE, AIZAWL - 796001, MIZORAM, INDIA Ph: (0389) 2326372/2322285/2335821/2324448; Email : mizoramynod@gmail.com

Memo No. MS/GEN - 18/2023/476 / 1449

Dated : Aizawl, 26th October, 2023

To

The Secretary

.....

Subject : MPF thuchah Kohhrana chhiar chhuak tura ngenna.


Rawngbawlpui duh tak,

Kan Lalpa Isua Krista hmingin chibai ka buk a che.

Rev. Lalramliana Pachuau, General Secretary, MPF Hqrs hnen atangin MPF thuchah Kohhrana chhiar chhuak tura ngenna kan dawng a. Officers' Meeting chuan kohhran hrang hrangah chhiar chhuah tura thawn ni se tiin a rel a (Vide OM 19 : 3 of dtd. 25/10/23). Kohhran inkhawma in lo chhiar chhuah atan kan rawn thawn e..

Pathian khawngaihna in hnenah awm rawh se.

I rawngbawlpui,


26/10/23
(UPA B. LALHMUNLIANA)
Secretary
Mizoram Synod

Copy to :

1. Rev. Lalramliana Pachuau, General Secretary, MPF
2. Bial Secretary
3. Guard File, General Department



MIZORAM PEOPLE FORUM : GENERAL HEADQUARTERS
MIZORAM LEGISLATIVE ASSEMBLY INTHLAN 2023 THUCHAH

Election Commission of India (ECI) chuan Mizoram Inthlanpui 2023 chu November 7, 2023 a neih turin a puang tawh a. Thawhhona Thuthlung chungchang leh Inthlanna dik, thianghlim leh felfai kan neih theihna turin hetiang hian thuchhuah kan siam a ni.

1. MPF leh Political Party Thawhhonna Thuthlung hi MPF-in a duh anga a duan political party-te a pawmtir a ni lo va. MPF leh Political Party hrang hrang hruaitute'n tum eng emaw zat uluk taka sawihoa an ruahman hnuah MPF hruaitute leh Political Party President theuhin an hming an ziah hnan a ni bawh a. Inthlanna tha kan neih theih nan hma kan lak hona tura duan a ni a, a hlawhtlin theihna turin theihtawp chhuah theuh tha kan ti a, heti chungah zah lo taka bawhchhiate chu mipui zah lohnaah kan ngai.

2. Thawhhona Thuthlung kenkawh leh thehdarh kawngah Thuthlungin a phut angin Party-te an ralbang thiang lo a. Party-te pawhin a zau thei ang berin an puangzar tur a ni zawk a ni. ***Thawhhona Thuthlung No. 8 (3)***

3. MPF leh Political Party-te'n February 28, 2023-ah Thawhhona Thuthlung hi an ziak a. Hemi ni atang hian Thuthlung hi hman tan a ni a; amaherawhchu, ***Thuthlung No. 2 (2)*** 'House to House campaign phal loh' chungchang erawh Election Commission of India (ECI)-in Inthlanpui a puan tan ni (October 9, 2023) atanga hman tan tura remtih tlan a ni thung. Hemi chungchangah hian District Forum, Constituency Forum leh Local Forum te chu House to House Campaign kalpui a nih lohna tura mahni huam chhungah thahnemngai taka hma la turin kan ngen a. Political Party-te pawhin House to house Campaign hi kalpui tawh loh tur a ni bawh.

4. Thawhhona Thuthlung-in a tarlan angin Inthlan puan hnuah chuan Political Party-te'n kawngzawh hi an ti tawh lo tur a ni a. Hetih lai hian tunhnaiah hmun thenkhatah Thuthlung bawhchhiaa kawngzawh thawm hriat tur a awm ta nual a, a paw kan ti hle. Political Party-te'n kan thuthlung hi zaha kawng zawh huaihawt tawh loh tur a ni. ***Thawhhona Thuthlung No. 3 (3)***

5. Thawhhona Thuthlung-in a tarlan angin Candidate-te hnena mi mal leh pawl hminga thil dil hi tih loh tur a ni a, khawtlang huapa Candidate-te intiamna neihtir pawh tih loh tur a ni. Hetiang hi tul lova Candidate-te sum sentirna a nih avangin ching hauh lo turin mipuite kan inngen thar leh a ni. ***Thawhhona Thuthlung No. 2 (3)***

6. Thuthlung angin Party hrang hrangte'n veng/khaw tinah Ipte pui banna (station) kan siam hlawm a. Heng Ipte pui banna (station) atangte hian mipui nawlpui bakah zirlaite leh damlote tana harsatna thlen thei a nih avangin thawm bengchheng leh ninawm khawp siam loh tur a ni. ***Thawhhona Thuthlung No. 3 (2)***

7. ECI Model Code of Conduct leh *Thawhhona Thuthlung No. 2 (3)*-in a phal loh angin mipui hnenah thil chi hrang hrang semte hi tih loh tur a ni a, T-Shirt sem pawh ti tawh lo turin Candidate-te kan ngen a ni.

8. Social Media hrang hrangah Inthlan chungchanga thu belhchian dawl lo thehdarh leh mi mal inbeihna uchuak lutukte hi ti lo turin mipuite kan ngen a. Hetiang a awm a nih chuan thuneitute hnenah hma la tura thlen a ni ang. *Thawhhona Thuthlung No. 3 (4)*

9. Party tinte'n Manifesto leh candidate-te chanchin an sem duh a nih chuan MPF Local Forum hriatpuinaa sem tur a ni ang.

10. Thuthlung-in a tarlan angin veng/khaw tinah Party flag leh banner tar theih zat bituk a ni a. Tunhnaiah Flag tar hi kan uar thar leh niin a lang a, tar theih zat bituk aia tam tar lo turin kan inngen bawk a ni. *Thawhhona Thuthlung No. 2 (6)*

11. Thuthlung-in a tarlan angin Inthlanpui puan hnuah chuan Political Party-te'n Public Meeting/Street Campaign an buatsaih dawn chuan MPF kaihhruaina hnuaih neih tur a ni a, chutiang ti turte chuan MPF hriattir zel tur a ni. *Thawhhona Thuthlung No. 2 (6)*

12. Thawhhona Thuthlung bawhchhiatna a awm nia hriat a nih chuan tute pawhin MPF-ah Report/Complaint thehltur turin kan inngen a ni.

13. Kumin 2023 Inthlanpui lo awm turah hian dik tak, rinawm tak leh zalen taka vote thlak theuh turin vote nei zawng zawngte kan ngen a ni e.



(Rev. Dr. C. Chawngmingliana)
President, MPF
Mizoram People Forum (MPF)
General Headquarters



(Rev. Lalramliana Pachuau)
General Secretary,
Mizoram People Forum (MPF)
General Headquarters

Printed & Published by Mizoram People Forum (MPF) General Headquarters,
Aizawl, Mizoram.

Dated Aizawl, the 23rd October, 2023